



Inatsisartunut Ilaasortaq, Doris Jakobsen Jensen, Siumut

§ 37 naapertorlugu apeqquteqaammut nr. nr. 081-2022-mut akissuteqaat

Asasara Doris Jakobsen Jensen

Inatsisartut suleriusaanni § 37-mi imm. 1-imi allassimasut aallaavigalugit Naalakkersuisunut apeqquteqarsimavutit. Naalakkersuisut apeqquteqaateqarninnut qujapput, apeqqutit akissuteqaallu ataani takusinnaavatit.

17-05-2022
Sags nr. 2022 - 9437
Akt nr. 20178098

Postboks 1160
Tlf: 34 50 00
Fax: 34 55 05
3900 Nuuk
Email: pn@naanoq.gl
www.naalakkersuisut.gl

1. Nunatsinni seeqqulertinniartut siffissamikkullu suliaritittussat corona pissutigalugu qanoq annertutigisiumik kinguaattoorfiuppat?

Akissuteqaat:


Peqqinnissaqarfimmit oqaatigineqarsinnaanngilaq COVID-19-ip nunarsuaq tamakkerlugu tunillaassuunnerata kingunerisaanik seeqqukkut siffissakkullu suliaritinnissat qanoq amerlatigisut kinguartinneqarsimanersut, tassami pingaarnersiunerit utaqqissunullu nalunaarsuiffik sulissusaaqarniarneq siniffissaqarniarnerlu eqqarsaatigalugit ataavartumik nalimmassarneqartarmat.

Nakorsiat nakorsamit immikkut ilisimasalimmit nalilersorneqartarput, pissutsillu assigiinngitsut tunngavigalugit seeqqukkut siffissakkulluunniit suliaritissanersut aalajangerneqartarluni. Nunarsuarmi tunillaassuunneq peqqutaalluni nakorsianik naliliiniarnermi COVID-19 pingaarutilittut inissisimavoq, taamaakkaluartoq assigiinngitsorpasuarunik allanik unammilligassaqarpoq, taakkualu sulii aamma unammillernartuupput.

Dronning Ingridip Napparsimmavissuani pilatsittunut immikkoortortaqaarfimmi peqqissaasunik nakorsaniillu immikkut ilisimasalinnik annertuumik amigaateqarpugut, taakkualu saniatigut peqqissaasut pilattaanernik suliaqarsinnaasut peqqissaasullu allat uninngasunik sullissisussat amigaatigineqarput. Amigaateqarneq peqqutaalluni piffissami kingullermi sivisuumik pilattaanerit ingerlanneqartarnikuusut amerlaqataannik pilattaasoqarsinnaanngikkallarpoq. Taakkualu saniatigut pilatsittunut immikkoortortaqaarfimmi pinartunik nakorsagassanik nakorsiaqangaatsiarsimavoq, taakkualu aamma peqqutaataallutik pilatsittussaagaluit siniffissaqartaratik, tassami assersuutigalugu siffialersittut suliaritereernermi kingorna sungiusaqqinnissaq eqqarsaatigalugu sapaatip akunnera missaa uninngasariaqartarput. 2022 maajimi nakorsat naliliineri aallaavigalugit seeqquleritittussat 350-it missaanniipput, taakkualu tassa seeqquleritinnissaminnut utaqqipput, siffialertittussatut nakorsiat 37-t allassimasuutigineqarput, taakkualu saniatigut ingerlaavartumik nakorsianik allanik suliaritittariaqartunik nalunaarsuisoqartarpoq.

Inussiarnersumik inuulluaqqusillunga

Med venlig hilsen


Mimi Karlsen